



California Pan-Ethnic Health Network



Qhov Kev Fajseeb Khomob Tshiab Yuav Pab Tau Koj thiab Cov Tsevneeg Axias thiab Koog Povtxwv Paxifiv hauv Kalifonias

Cov tsevneeg Axias thiab Koog Povtxwv Paxifiv yuav tau txais txiajntsig los ntawm tsab kevcai hloov kev khomob tshiab. Qhov no yuav muaj tseeb txawm koj yuav tsis muaj fajseeb khomob, muaj Medi-Cal lossis Medicare, lossis fajseeb khomob uas yuav los.

Yog koj tsis muaj fajseeb khomob lossis muaj fajseeb khomob tsis txaus rau koj tuskheej, kev pab twb los yuav txog. Yog koj yog ib tus neeg laus, koj yuav tau txais ib cov nyiaj rovqab los ntawm Medicare rau cov nyiaj yuav tshuaj noj thiab tau txais kev khomob tivthaiv pub dawb. Yog koj twb muaj fajseeb khomob lawm, koj tseem mus ntsib tau koj tus kws khomob qub thiab muaj kev kajsiab, vim koj paub tias cov koomhaum fajseeb khomob yuav ncaws koj tawm lossis txwv koj cov kev khomob tsis tau thaum koj muaj mob thiab xav tau kev khomob. Txawm koj yuav muaj kev fajseeb khomob thiab tsis muaj los, tsab kevcai hloov kev khomob tshiab tseem yuav txhawb kom txhua tus muaj kev nojqab haushuv los ntawm tej kev pab uas luag muaj hauv tej chaw ua haujlwm thiab cov nyiaj pab rau tej neeg zejzoz kom mus yuav tau tej zaubmov zoo los noj thiab muaj kev tawm dagzog.

- **Yog koj xav tau fajseeb khomob – Muaj ntau txoj uas pheejyig**
- **Yog koj muaj Medi-Cal lossis Medicare – Siv tau ntau dua thiab zoo tshaj qub**
- **Yog koj muaj fajseeb khomob uas yuav los – Muaj kev kajsiab thiab nws pheejyig**

Yog Koj Xav Tau Fajseeb Khomob – Muaj Ntau Txoj uas Pheejyig

Vim nws muaj ntau txoj uas pheejyig, tsab kevcai hloov kev khomob tshiab yuav pab tau li 60% ntawm cov neeg Axias thiab Koog Povtxwv Paxifiv uas tsis muaj fajseeb khomob lub sijhawm no. ***Cov tibneeg txawv tebchaws uas muaj ntaub ntawv tuaj nyob tebchaws no yuav tau txais txhua yam hauvqab no.***

- **Cov Tseem Hluas – Koj Nyob Tau hauv Niamtxiv Txoj Kev Npaj Khomob txog thaum Hnub Nyoog 26 Xyoo:**
Pib nimno mus, cov tseem hluas yuav nyob tau hauv lawv niamtxiv txoj kev npaj khomob txog thaum lawv tas hnub nyoog 26 xyoo. Qhov no yuav pab tau cov uas yog ib ntawm plaub tus neeg Axias thiab Koog Povtxwv Paxifiv hluas uas tsis muaj fajseeb khomob rau xyoo 2007.
- **Medi-Cal Nthuav Dav los Pab Koj thiab Koj Tsevneeg:** Txij xyoo 2014 mus, yog koj khwv tau nyiaj los tsawg tshaj \$14,431 rau tuskheej lossis \$29,367 rau ib tsevneeg uas muaj plaub leej neeg, koj yuav tau txais Medi-Cal. Txoj kev nthuav dav no yuav pab tau tshaj li 140,000 tus neeg Axias thiab Koog Povtxwv Paxifiv hauv Kalifonias. Tseem yuav muaj kev kho kev xeebtub thiab Medi-Cal siv rau xwmtxheej ceev rau txhua tus tibneeg uas khwv tau nyiaj los tsawg, tsis hais yuav muaj thiab tsis muaj ntaub ntawv tuaj nyob tebchaws no losxij.
- **Txoj Kev Muag Fajseeb Khomob Yuav Pab Koj Mus Yuav Tau Cov Fajseeb Pheejyig:** Dua li txij xyoo 2014 mus, yog koj khwv tau nyiaj los tsawg tshaj \$43,400 rau tuskheej lossis \$88,200 rau ib tsevneeg uas muaj plaub leej neeg, koj yuav mus yuav tau cov fajseeb uas pheejyig hauv ib lub chaw muag fajseeb. Koj tus nqi fajseeb yuav kim tsis tshaj li 10% ntawm koj cov nyiaj khwv tau los – tsoomfwv yuav pab them feem uas tshaj.

Cov menyuam uas yog citizen lossis muaj ntaub ntawv tuaj nyob tebchaws no, uas niamtxiv tsis muaj ntaub ntawv, yuav mus yuav tau fajseeb ntawm lub chaw muag fajseeb khomob. Cov neeg tsis muaj ntaub ntawv yuav mus yuav tsis tau fajseeb khomob ntawm lub chaw muag fajseeb khomob thiab raug tshwj tias tsis tas yuav muaj fajseeb khomob los tau.

- **Koj Tus Tswv Lagluam Me Yuav Tau Txais Kev Pab los Pab Koj:** 500,000 lub tsev lagluam me hauv Kalifonias yuav tau txais kev txo se kom los pab tau lawv cov neeg ua haujlwm.

Yog Koj Muaj Medi-Cal lossis Medicare – Siv Tau Ntau Dua thiab Zoo Tshaj Qub

- **Kev Pab rau Cov Laus txog Medicare:** Tsab kevcai kaw Medicare “lub qhov,” thiab yuav pab tau ntau pua txhiab tus neeg Axias thiab Koog Povtxwv Paxifiv them rau lawv cov tshuaj noj, txij xyoo 2011 mus. Nws tseem muaj cov kev khomob tivthaiv pub dawb.
- **Muaj Coob Tus Kws Khomob thiab Kws Tshwjxeeb los Pab Koj:** Tsab kevcai tshiab yuav nce cov nqi them rau cov kws khomob. Qhov no txhais tias yuav muaj coob tus kws khomob thiab kws tshwjxeeb ntxiv los pab koj.
- **Txo Kev Mus Tos Khomob:** Muaj kws khomob thiab kev khomob ntau ces yuav tau tos luv.
- **Pab Txhawb Tau Txoj Kev Khomob:** Tsab kevcai yuav coj tau li \$1.4 billion nyiaj los txhawb Kalifonias cov tsev khomob hauv tej zejzoz, uas kho ntau pua txhiab tus neeg Axias thiab Koog Povtxwv Paxifiv.

Yog Koj Muaj Fajseeb Khomob uas Yuav Los: Muaj Kev Kajsiab thiab Pheejyig

Rau 2.7 lab tus neeg Axias thiab Koog Povtxwv Paxifiv hauv Kalifonias uas muaj fajseeb khomob uas yuav los, koj qhov fajseeb yuav ruajntseg thiab pheejyig tshaj qub, thiab pab kom koj nojqab haushuv.

- **Tsis Txwv Kev Khomob Tas Simneej:** Txij lub caij nplooj ntoos zeeg no mus, tsab kevcai tshiab txwv cov chaw fajseeb qhov kev hais tias lawv tsuas yuav them rau kev khomob txog npaum licas xwb. Yuav tsis muaj leejtwg tau txhawj txog tias yuav poob lawv lub tsev lossis nyiaj yuav tag thaum muaj tus hauv tsevneeg muaj mob.
- **Ua Rau Koj Muaj Kev Kajsiab:** Cov chaw npaj kev khomob yuav txwv tsis kam txais lossis ncaws leejtwg tawm ntxiv tsis tau vim qhov nws muaj mob. Qhov kevcai no siv rau cov menyuam yaus txij lub caij nplooj ntoos zeeg no mus thiab rau txhua tus laus txij xyoo 2014 mus.
- **Muab Kev Tivthaiv Tso Uantej:** Txhua qhov fajseeb yuav los tshiab yuav tau muaj cov kev khomob tivthaiv – xwsli kev tshuaj thiab kuaj – dawb, txij lub caij nplooj ntoos zeeg no mus.

Yog Koj Yog Ib Tus Neeg Txawv Tebchaws: Muaj Cov Kev Fajseeb Rau Koj

Cov neeg txawv tebchaws uas muaj ntaub ntawv tuaj nyob tebchaws no muaj feem siv tau txhua yam uas muaj nyob rau hauv tsab kevcai tshiab no thiab siv tau cov kev khomob uas muaj nthuav dav nyob rau hauv tej zejzoz.

- **Cov Neeg Txawv Tebchaws Uas Muaj Ntaub Ntawv Tseem Tau Medi-Cal:** Cov neeg txawv tebchaws uas muaj ntaub ntawv tuaj nyob tebchaws no tseem tau txais Medi-Cal yam tsis tau tos.
- **Cov Neeg Txawv Tebchaws Uas Muaj Ntaub Ntawv Yuav Tau Kev Pab Yuav Fajseeb:** Cov neeg txawv tebchaws uas muaj ntaub ntawv tuaj nyob tebchaws no tseem tau txais kev txo se thiab kev pab los yuav fajseeb khomob yam tsis tau tos.
- **Tsis Muaj Fajseeb Khomob Muag rau Cov Neeg Txawv Tebchaws Uas Tsis Muaj Ntaub Ntawv:** Cov neeg tsis muaj ntaub ntawv yuav mus yuav tsis tau fajseeb khomob ntawm lub chaw muag fajseeb khomob thiab raug tshwj tias tsis tas yuav muaj fajseeb khomob los tau.